

第八集

粵雅堂林取書

第八集

粵雅堂叢書

雙

溪

集

粵雅堂叢書目

第八集

雙溪集十五卷

宋 蘇 籀 撰

日湖漁唱一卷

宋 陳允平 撰

瑟譜六卷

元 熊朋來 撰

秋笳集八卷

國朝 吳兆騫 撰

燕樂考原六卷

國朝 凌廷堪 撰

卷之六

明倫彙編

卷之六

明倫彙編

卷之六

明倫彙編

卷之六

明倫彙編

卷之六

明倫彙編

卷之六

明倫彙編

卷之六

雙溪集卷第一

眉山 蘇 籀、仲滋

古律

次韻大父曬麥

西郊歲種十畝麥白笑不耕惟坐食吾人一飽已天幸
此外何心更求得我田長熟無旱潦玉粒收來堅且好
豈同豪右執券契虐取多求急於盜我家治生無奇功
累世守此慈儉風倉囷不滿非所恤冒暑一曬安敢慵
長空不見纖雲起沽酒烹雞會鄰里炎飈不厭塵滿身

冷餅行看冰上齒閒居捨此一事無徇時干祿姑捨諸
信知爲農自足樂秦相未必賢牽盧

大父令賦舊扇

裁紉當團扇當暑不離手炎涼一推遷委擲昏塵垢蒙
蒙縈蛛網闇闇迷遠岫人情逐時移浪自分好醜一朝
被收錄已迫朱明候開篋振浮埃清風亦生袖有愛必
有憎無新故無舊可憐漢婕妤涕泣將爲咎賢哉楚令
尹無欣亦無詬

大父令賦捕魚

寒魚不樂水遇汕輒來依溪邊蓑笠翁智深魚莫知網
罟旣不設釣竿亦罷攜蕭然徒手來一一收無遺幽人
買魚食心亦憐魚癡蚤知烹割苦甯如在流澌世人豈
異此外物常見羈好在李斯犬當觀莊子犧

咸陽縣令求清渭樓詩和何子應長句

秦如蒹葭未飽霜四維不舉空豪強神疲鬼乏赴功利
兆自襄公終始皇富極薰天力幹地諸侯西來誰敢當
范睢李斯乘利勢蒙驚白起先戎行韓盧前奔宋鵲舉
角逐海內如驅羊干戈取之刑法治舉事夸淫惟快意

時移數盡非徒然直筆汗青遭唾毀咸陽宮殿無尺瓦
直抵南山是禾稼山巔觀闕總成塵清渭東流無晝夜
昔時此水貫宮垣今日淪漣縣樓下無復秦娥洗粧水
時有村童飲牛馬秋波泠泠泛紅葉春天波蕩桃花節
清名不與世榮辱混濁何嘗妨至潔八川分流皆異態
七澤胸中無芥蒂直須面面倚危欄殫睹雍州原野大
樓中有客雍門彈坐上悲歌擊樽壤何侯精采如琳琅
攜詩揖我謂我臧我今爲子登樓賦書版一諷悲興亡

次韻范氏子園居卽事三首

媚蘭多畦畹，黨竹論尺尋。倦矣一枝足，卓哉千里心。氣
含湖海姿，名掛羆虎林。長髯冒世累，禿鬢微霜侵。雕鑽
久已休，潛伏恨不深。亭邱近來趣，何止如山陰。

其二

沼沚清漣生，沄沄復浼浼。爨清飯不足，歡賞心無餒。金
絲撚條柯，酥蠟滴趺蕾。櫻桃與芍藥，春事卜貞悔。

其三

花開且復謝，迴首悲今昨。席月吹參差，臨芳傾鑿落。莎
蘋藉醉枕，風竹驚眠覺。賓僚上馬去，烏烏相呼樂。春光

雙溪集卷一
三
在木杪花絮相紛薄酒到忘醇醪客來無善惡

耕者得古玉指環一首

百世繁華墮劫灰淒涼斷簪并擘釵淑顏窈窕亦塵俗
指環耕出田中來野人辛勤務稼穡兩手龜折闢草萊
未知此環竟安用但訝光采尤奇瑰王孫捉麈不辨玉
手面膏拭無纖埃柔荑纖纖擢紺袖五雲書勢高崔嵬
金撥收聲飫犀筋冰過紅芽誠妙哉指環不肯貧家售
東鄰女貧人道醜巧粧墮馬長掃眉五色紆箴工組繡
古人製器知爲誰今時豈乏春風手春葱銀甲深藏袖

偕老賦詩須我友

游寒谿次醅字韻題九曲亭一首

幅巾戲漉彭澤醅尺書閒覓來禽栽東坡居士五年久
真主未遽求鹽梅扁舟夷猶水刻窟雙屐禿缺峯嵯崑
招揖西山與東魯迴首閭闔并玉臺標榜高靈方外景
不染時世毫端埃倚空千重翡翠葢落日萬頃琉璃堆
興酣魚鳥安樂國喜溢僕馭陶家壘惜哉二老削舊迹
不論石上與牆隈碕岸橫舟昔時處刻劃獨免漫蒼苔
梵刹青蓮舊僧社徑遂幾合無人開方今九原如可作

足使四海無彫摧封章千載垂可否玉堂黃閣猶儋雷
精義窮神致實用不變生死無去來天下書生踐遺跡
棠蔭處處思賢哀

次韻答晁以道見贈二首

骨髓緘藏萬古謀畔牢愁思不禁秋常憐屈宋鳴中古
不遇邛軻放一頭文賦東坡推典麗簡書西路矢歸休
看公議論方游夏豈數蘇州與柳州

玉井之泉汲又新腐陳收拾已空困鐵牛城下三年眼
割見仇池社裏人

次韻范機宜感懷

珪組紛紛蟻慕羶
徇人可否冀超遷
傷哉遠客疲中國
慟矣長星出亘天
晉楚春秋書失國
惠昭徒馭竟言旋
朝廷得士爲強弱
郭隗來歸不首燕

送王機宜歸襄陽侍下一首

乃公振旅來河湟
新奏捷詩禮壯齋壇
荊州初妥帖王
郎賦緇衣旦莫刷
燕越從容挽六鈞
邂逅記三篋賞奇
必先覩語怪尤欣
愜樵徑曳斑杖僧
窓敷白氎解頤千
慮却爬癢眾賓厭
轅門熊虎士鐵面
竦長鬚椎牛赴大

雙江集卷一
五
醢割肉揮長鋏酸寒商公邑會我縈仕牒兒噪羹不糝
女瘦裙剩摺嫉邪髮衝冠憂國鬚屢鐸侯家有美載寒
冬相煖熱驪褭帶青萍於菟包瓊甲風磴好扶輪冰溪
多病涉淒涼熊耳下小雪輕塵浥升堂語君公浚治千
樓堞勉勉足兵食孜孜撫疲茶政成在簡易可大賢人
業

黃筌畫金盆鴿孟蜀屏風者也一首

孟氏觀闕嘗鮮新蚪蚪拱桷翔青冥可憐當年百事足
鬼眼未遽窺高明鋪首倉琅百樓聳寶簾珠帶關銀屏

風臺露榭蔽錦纈朝朝莫莫吹竽笙鶯溪白繭冰雪清
黃史舐筆研丹青屏間觀者誠粲者醉頰融煖蘭膏勻
金盆滴取宮桃露點黠鉛朱三昧處融怡宿粉暈嬌紅
一片辭枝三月莫妙趣忘言心獨覩花好更教宮女妬
綵翎降趾戲宮廷啄哺馴和謝籠藥跖石窺盆刷羽儀
天樂鳳簫騫欲舉智者創物仁者守何嗟及矣何追咎
當年高岸尙微茫零落萍蓬入誰手華堂粉壁倚叉竿
五十年前亡是叟細說盈虧閱今古我曹知愛當知惡
此閒風韻出成都花上杜鵑啼最苦見之坐右久彌新

咄咄庸工難與語

避地詠史一首

量力難貪督亢圖
馮亭致地禍來歟
摸金公子驅長戟
割地先生醉墮車
乘傳有人延劇孟
運籌何術困由余
鬼方政賴高宗克
雅信周公無逸書

東坡三絕句

門庭桃柳人人護
焚屋新遭盜跖餘
鄰社蕭條近尤劇
孫孫子子寶公書

嶺背甘泉陵谷遷
危亭圜顧尙依然
春蘭秋菊無終古